

KUMITÉ SKOLAR DI SIDADI DI BOSTON



Data: 4 di agostu di 2021
Pa: Kumison di Skóla di Boston
cc: Superintendenti Brenda Cassellius
Di: Jeri Robinson, Prizidenti
RE: Nomiason di Ko-Prizidenti di Grupu di Trabadju di Alunus di Língua Inglês

Es noti, N ta nomeia formalmenti Ernani DeAraujo, ménbru di Kumité Skolar di Boston, pa sirbi komu ko-prizidenti di Grupu di Trabadju di Alunus di Língua Inglês (ELL) di Kumité. Sr. DeAraujo ta asumi papel di lideransa ki éra antis dizenpenhadu pa Dra. Lorna Rivera, ki dimiti di Kumité na junhu pasadu.

Kriadu pa Kumité di Skóla di Boston na 2009, Grupu di Trabadju ELL ta sirbi komu un orgon di monitorizason y parseru di pensamentu ki ta apoia BPS na da rispóstas a nisisidadi di nos distritu kada bês màs multikultural y multilingi, undi ki kuazi un na kada dôs alunu ta fala un língua ki é ka inglês na kaza y alunus ben di 139 país diferenti.

Un antigu alunu di BPS EL Sr. DeAraujo studa na Bradley Elementary, Umana Academy y Boston Latin School (BLS), y dipôs el faze lisensiatura na Harvard College y un J.D. na Washington y Lee University School of Law na Lexington, VA. El ta da kréditu a se mai, un viúva ki imigra di Colombia pa East Boston, ki transmiti-l un grandi konsiderason di puder transformador di idukason. Sr. DeAraujo ta sirbi komu Visi-Prizidenti di Asuntus Regulatórius y Konsilheru Jeral di Sentru di Saúdi di Bairu East Boston (EBNHC), entri kes más grandi sentru di saúdi di un país ku más di 100.000 pasientis y 1.400 funsionárius. Alén di kel-la, el é antigu Prizidenti di Korporason di Dizenvolvimentu Kumunitariu NOAH, undi ki el supervizona enpreza di dizenvolvimentu kumunitáriu sediadu na East Boston y el trabadja pa kria abitason asesível y konstruson komunitáriu, ispecialmenti através di dizenvolvimentu di jovens y justisa ambiental. El foi ko-fundador di un prugrama pa Skóla Sikundáriu di East Boston, ki txoma Bolsa di Sirvisu Públiku Mario Umana, ki ta trabadja pa konekta alunus ku oportunidadi di stájiu na guvern, prugramas di veron y ta djuda alunus a kandidata pa universidadi. Sr. DeAraujo ta mora ku se família na East Boston, undi ki el sta txeu involvidu ku kumunidadi através di se trabadju na EBNHC, y komu antigu ajenti di ligason di bairu di East Boston duranti adiministrason di antigu Prizidenti di Kámara Thomas Menino.

N ta kridita ma isperiénsia pesoal y profisional di Sr. DeAraujo ta faze-l ser un más valia pa Grupu di Trabadju ELL. N ta spera ku ispetativa diskuson di se nomiason na reunion des noti, y N ta pidi pa Kumité toma mididas sobri es asuntu dia 1 di sitenbru di 2021.